

## Laukēms

Nošvēlpē kap viesols i žvaigždieta tuoloma  
Naktinis traukinīs ēš vakar dēnuos sostuojēma.  
Palēkau besiveizous i anou, kap i šmiekla,  
Katruos nei sogausi, nei apkabinsi, nei pakalbinsi.

Bet nenosēmēniau. Atsēsiedau ont akmēnēis.  
Pradiejau lauktē pargrīžtont rītmetēnēs aušruos.  
Švintont neivieziejau spalvū, bet gērdiejau  
Nedrousi švēlpavēma nematuoma paukštēlē.

Pagluostiau žemē – šēloma palaižē ronka.  
Kažkas tuoks mažos, gležnos kāp vištītis  
Prēsēglaudē pri basuos kuojēs blauzduos.  
Sovērpiejē šērdēs. Pavasaris viel pargrīža.

Kumet saulelē ēšlinda ēš ož žemēs krašta,  
Atkotau, viel pajotau, kad eso linksmos,  
Kāp linksma būn blezdingelē, ēš tuolēmuos  
Keliuonēs parliekusi i sava gimtūji lēzdieli.